

Proceso participativo Naves do Metrosidero

Acta do primeiro encontro - 14 de abril de 2018, 10:00-14:00 h

Centro Cívico Cidade Vella, A Coruña

Asistentes: variable, 34 persoas (18 homes e 16 mulleres)

O primeiro encontro do proceso participativo Naves do Metrosidero dividiuse en dúas partes:

Na primeira realizáronse tres charlas/presentacións por parte do Concello da Coruña.

- A exposición do contexto no que se inicia o proceso participativo das Naves do Metrosidero, o compromiso político co proceso, o seu resultado e a súa continuidade, realizada por Claudia Delso (concelleira de Participación e Innovación Democrática).
- Unha detallada exposición técnica do que será a rehabilitación inminente das Naves do Metrosidero, respondendo a todas as dúbidas que foron xurdindo das persoas asistentes; realizada por José Manuel Botana (arquitecto municipal).
- A exposición do marco xurídico no que se referenciou todo o traballo que se propón realizar durante o proceso participativo, e especialmente aquel que fai referencia á definición das estruturas de xestión para as Naves do Metrosidero; realizado por Marta García (directora da Asesoría Xurídica municipal).

Na segunda fase do encontro iniciáronse os obradoiros participativos cunha breve presentación inicial da filosofía de traballo (realizada por Arnau Boix, encargado do deseño do proceso participativo), e a exposición das accións que se expuñan traballar no primeiro encontro. A primeira delas consistía en discutir por grupos acerca dos axentes que se deberían involucrar no proceso participativo, e que grandes temas deberían tratarse durante os encontros. Esta actividade non puido desenvolverse con normalidade, e a seguinte actividade prevista non se puido nin explicar, debido á irrupción continua na sala de persoas pertencentes ao colectivo “A insumisa”, que dificultaron a realización das deliberacións nas distintas mesas en que se organizaban as persoas asistentes. Cómpre subliñar que durante todo o tempo que durou o encontro, o colectivo “A insumisa” estivo na porta do centro realizando diferentes actividades musicais para interferir no desenvolvemento. Mostraban o seu rexeitamento á decisión do Concello de desalojar o centro social ocupado que este colectivo promoveu e mantivo durante os últimos 2 anos nas propias Naves do Metrosidero.

Reflexións finais e apuntamentos realizados por parte as persoas asistentes ao encontro:

- A sustentabilidade como tema integral (construción, funcionamento, especies vexetais...).
- Dúbidas sobre a distribución do proxecto actual (ausencia de baños para a nave 2).
- Nota propia [habería que facer fichas técnicas das posibilidades / potenciais / características dos distintos espazos: caracterizar as naves]
- Transformación en dúas fases: o proxecto herdado e o proxecto ampliado.

Presentación no encontro:

http://prezi.com/wexlvv3acow6/?utm_campaign=share&utm_medium=copy&rc=ex0share



CORUÑA
➤ PRÓXIMA

